

102526
2



尊水園集畧卷之三目錄

陳鍾英
幼仲

德州盧世淮德水著 受教程先貞正夫輯

趙其星仲啓

七言律詩

遊嶧山

渡江中流望江南北諸山殘雪

忻州過牧馬河

行山坂間俯視山下煙村不減圖画

古薄命

遊仙

立秋日作

壽叔祖二田長者

贈陸蘭陵

座主木菴先生詩來相憶依韻獻酬

敬仲以詩画見寄賦答次韻

家兄召賞海棠

毛修之年兄久困公車

云

讀巴山雪史春絮草却寄

春夜過子襄

云

哭王湛一

劉仲寬才具翩翩

云

出都留別孫陳兩太史

張鄭兩生

云

答馮留仙

次韻

寄鄭元常明府華亭

寄贈張用之

答程湯臣無寄胡嗣玄文學

致奠唐客

送劉二往雲中

寄題畢畏甫拱玉園

閉關以後作 三十首

營杜亭成述懷

四愁詩 四首有序

春晚率題

偶然有會成七言律詩一首

夜坐懷簡翁劉先生 云

簡翁書到

臘日得簡翁書 云

江山人能琴能書 云

應元肱起部和杜亭韻 云

沈景倩 云

陳百史訪杜亭贈詩余次韻

門人鄭爾木結夏杜亭讀書 云

答汪孺石水部 次韻

明月之夕吳于逵云

于逵偕時行再過尊水園云

懷隆昆仲聞于逵時行將別云

雜律有引

余以自用酒盃云

周彞仲過訪云

次韻奉答陳雪灘太史二首

贈同年友萬吉人

張爾唯云

史弱翁納燕姬云

再歌

次介清韻送楊太史請告還濟上

余以沉舟之役云 二首

私問云

正夫見私問云

歸來題画扇齋壁有序

退士詩次仲來韻云

社中分韻賦得首夏猶清和

花朝社集

次韻

次社集韻呈仲來父子

奉寄虞山先生

二首

次韻送熊雪堂

云

偶聞正夫出月北上

云

久病沾危

云

夢遊仙

有序

夢遊仙說辭也

云

正夫出新作

云

再和正夫韻

云

九日集正夫齋次其韻

正夫以除夕詩見

次韻奉教

正夫再和前韻

云

正夫招賞牡丹

有序

送張九如還燕

先是王敬哉

云

北幹許春日過訪

云

讀陶謝集有述

過金穎濱古香齋題贈

奉贈趙洞門

小詩奉投趙洞門賡次原韻用志仰止

贈太守楊君敬

秋日偶成長句 二首

秋日朱計部招飲次正夫韻

尊水園集畧卷之三

七言律詩

遊嶧山

還觀鄒嶧賞偏驚草草登臨未易評東去只邀勞
作友西來惟許岱稱兄天公石戲拋碁壘山客雲
眠起墨城千古始皇能具眼此中物色甚分明

渡江中流望江南北諸山殘雪

巔崖雪老尚堪餐江北江南迸入觀湊得淡梅粧
艇子移來空絮狎漁竿千林宿靄蒼兼白萬瓦初

融濕較乾倚權中流迎送久遙涔極浦更漫漫

忻州過牧馬河

城南古渡入滹沱說是雲州牧馬河嵐水聲中白

浪小舟山影裏翠紋多田家卒歲為恒產此水疏為廿餘

渠土人甚獲客路經春此暫過西望清流懷志士

淮溉之利程嬰祠墓半銷磨

行山坂間俯視山下煙村不減圖画

樹色蒼蒼曲抱村沙溪猶帶歷年痕始知谷裏人家靜不似行間道路渾斷圃寒煙盤枸杞疎籬

雨散難脉來時化氣陶家柳安得褰裳一訊源

古薄命

倚竹私憐瑟瑟粧古來薄命是蕭娘雕奩賸蓄芙蓉粉白亭空薰豆蔻香蕩子靡家原有婦伊人處室乃無郎那堪翠袖涼風入鬢影吹秋滿画堂

遊仙

閒遊約定在清虛挹袂拍肩結伴餘白石尋來為餅餌青霞剪就作襟裾虎鬣囊襲龍精劍魚網箋留鳥跡書聞說洪崖家具好空山昨日又移居

立秋日作

自判微生倣四休尚餘莊列在床頭酒寧千日思
前輩書早十年歎末流拙射何緣爭破的學操正
好泛虛舟老之將至情懷減不賦悲哉九辨秋

壽叔祖二田長者

雪淨聰明鬢久華安期海上棗如瓜摩銅嘯樹功
名淡種玉開雲事業賒喜向燈前書小字閒從新
裏試新茶而今七十行方健矯首長天玩紫霞

贈陸蘭陵

隔年相見勸加餐遠道懷歸去住難性定無撓渾
似鐵行芳有韻又如蘭樽中身世憑誰問鏡裏生
涯只自看我醉為君歌一曲花枝五月不勝寒

座主木菴先生詩來相憶依韻獻酬

衡門反鎖淡於山千里傳詩到息關敦厚轉深鷄
鴉怨踈庸差對薜蘿閒冰心落落時能白秋氣離
離日欲斑一自違師安寂寞頻窺明鏡涕顏顏

敬仲以詩画見寄贈答

次韻

之子年來息又深公餘幾度醉花陰獨乘正氣游

玄牝偶託閒情寄藝林馴鶴堦前能喜客送鴻天
際正揮琴高齋紗帽悠然處多妙方知靜者心

家兄召賞海棠

海棠花下遠聞鶯喜笑相看屬弟兄過此三朝為
上巳前乎五日是清明紅霞映樹粧初洗綠雪盈
罇酒自傾指顧時和春好在漁陽斥堠已休兵

毛修之年尤久困公車苦家間人事參雜乃
乞一毡為讀書地居都數相過從甚樂也會
余先出門修之以詩相送詩品在常柳間而

寄託更自不淺賦此言謝併以訂懷次韻

肝腸真句謝雕搜此度觀詩發古愁每許生平推
長者豈當吾世失諸侯千秋大業何妨晚百煉剛
心正要柔暫借一官思學易知君原不為身謀

讀巴山雪史春絮草却寄

閨秀絕倫家上京魂飛蜀道怯盈盈秋懷不淺芳
難駐春事無多絮易驚剛道人亡能損性果然文
罷又生情平羗古水添雙淚莫放花梢杜宇鳴

春夜過子襄飲坐中人酒俱佳越數日子襄

以詩來詩更佳開筵披吟又是一醉倚歌而
和情見乎辭

風流平子動高吟扇底雲生覆屋陰酒會難逢前
日客詩成又見爾時心紆迴遼左烽恒峻斟酌長
安月暫深頭白一官真懶道匏瓜苦李任浮沉

哭王湛一

冰雪肝腸松栢心誰期國寶忽摧沉有朋特下殷
遙淚掛壁仍餘子敬琴半載青衫千卷破十年白
屋一燈深美人逝矣真堪惜天問招魂怨不禁

劉仲寬才具翩翩謁選得繩州一幕過平原
訪我言別又欲遊鄒嶧問道崆峒稍一弛鞍

建業計之官之期當在明年二三月間歌以
真席相送光其行李

年少參軍事遠征因君重與唱劉生浮雲不競多
離色朗月頻圓有至情久客已諳都下語長才應
紀蜀中行來年櫻筍春深日桃葉開舡錦水迎小

出都留別孫陳兩太史

薄寒長夏勒花枝宦况悠悠自笑癡四海襟期惟

道在一生心事賴君知金聲久許與公賦玉壘新
傳正字詩珍重故人相砥礪臨分抗手不言私

張鄭兩生自博陵來問業喜而賦贈更異小
留

好客欣瞻二妙來經年懷抱待今開口無長語惟
真氣身不勝衣乃大才路遠風塵勞負笈寒燈
火共啣杯論文正有商量在門外驪駒且漫催

答馮留仙次韻

佳文久仰似丘遲送抱推襟又一時所歎潛羨甘

自棄徒欽才子逞相思百年接踵猶堪賞四海比
隣馬用悲從此閒居添酒興開懷時展扇頭詩

寄鄭元常明府筆亭

為政風流羨子真一堂秋氣四郊春讀書破夜彈
琴懶據案凌朝問鶴頻白石青霞應獨我玄珠赤
水得同人時經二陸祠前過好作新詩答照隣

寄贈張用之

數器身兼靜復虛近來海內似君稀含毫妙會僧
繇意潑墨偏工長史書酒戶雖低能刻鵠名場漸

老不歌魚清真蕭洒風塵外坐斷膠東水竹居

答程湯臣無寄胡嗣玄文學

故人遠贈渡江魚珍重加餐問訊余疇昔青溪曾
鼓柁只今白社已懸車最欽高義雲能薄更羨新
詩錦不如傳語胡公秋賦近題名好寄八行書

致真唐客

共誰耳熱唱嗚嗚寂寞燕山賣酒壚送我猶能長
夜飲別來何處古為徒千場雪乳揮金椀一片冰
心在玉壺酬汝三盃仍舊醉顏唐是處倩人扶

送劉二往雲中

鳴鳩乳燕共翻飛榛子常園趣正肥躍馬於今遊
紫塞娛人自昔是清暉看花野戍添詩卷沽酒郵
亭換紵衣一話一言俱有意眼中難得似君微

寄題畢畏甫拱玉園

長白山中小有天開園考室任盤旋才人自撰郊
居賦好友群賡伐木篇精選雲根排玉筍閒登月
榭拾金荃側身東望頻搔首聞說規模類輞川

閉關以後作

專水園集卷之三
佯狂不欲做墻東多事昌黎枉送窮茅屋三間疑
傳舍竹籬一帶當樊籠經冬殘雪春猶在映月新
雲日不同莫說閉門無外事酒杯詩卷未曾空
荒園杞菊佐朝饔煉得規模似老農精細不能如
世法大凡未始出吾宗腰鑰且刈秋天韭抱甕還
澆夏日松千古淳漓常在眼勞勞魯叟費彌縫
瀾翻智海與才江百鎰黃金白璧雙彼自有人馳
炙轂吾寧作我對空宮鬢都是雪那堪拔心已成
灰不用降倚醉獻罇歌一曲參差粗硬太無腔

閑居昧昧我思之往歲南都驅傳時同籍同鄉修
故事好山好水訂遊期坐無醒者方成醉人有同
心正賦詩更憶金壇風雨夜衣冠函丈拜吾師
漫道便便戰勝肥癡頑錯認作忘機皮冠武仲無
辭讓緘口磨堯有是非自諗才疎併命薄敢嗟身
事與心違空庭徒倚天將暮花影闌干戀落暉
齋中靜讀古時書歛衽披襟足起余知己文憑曹
植定驕人色藉董梧鋤季鷹落落三江水犢鼻沾
沾駟馬車窮達終須歸有命十年紛擾費居諸

直從三紀念黃虞今日方知元亮迂樗散何妨官
 長罵夤緣且入步兵厨生成東海直僮父忽憶燕
 山舊酒徒吻燥呼茶中夜起滿堦松影月明孤
 十年兩度到山西不盡蒼茫落日低狼孟至今猶
 說鐸鴈門懷古正聞輦在輿詩淺羞重讀曩往返得詩數

十首刻之名在輿草

客舍醪醕惜遠携

山右酒可飲魯科其尤者携十餘罌而歸

每憶淳沱忻口渡煙沙寥廓使人迷

新營布襪與青鞵敢告林丘自此諧魚石憑陵牽
 酒舫鹿床絕妙讀書齋一園五岳心常遠萬卷百

城手自排愛惜蓬蒿供晚具深深鼓吹動鳴哇
 心朽渾如既瀆灰尤憐未老鬢先頽何人躍馬羸
 糧去有客單衾夢蝶回新藥成丸都不累舊書堆
 案只慵開誠然行止皆無地日暮聊傾酒一杯
 俠客恩讐苦認真神仙縹緲亦無因黃公沒後爲
 頑石張祿先生是死人隱矣何須文會友孑然不
 信德成隣大方自昔猖狂甚衫履參差倒着巾
 一罇誰與細論文寒綠相看有此君解道酒中堪
 累月始知身外即浮雲古人一去留圖譜今我重

來抗典墳清坐妙香縈鼻觀無邊空水正氤氳
龍湖老子一儒髡卓犖觀書有淚痕淡面難供浮
世眼微腸招得古人魂唯阿誰解遵王制呵罵偏
能報佛恩沁水通州知己在先生心事正堪論
清溪白石戀漁竿沅有芷兮澧有蘭月早何須愁
日晚花酣不復畏春寒快書偶獲如逢友名酒新
開勝得官漈倒人嗤無藉在全憑此際覓餘歡
昨歲初秋已閉關今年始覺起居閑心無內喘如
墻壁境有旁喧付闐闐適已白儵遊淺水避人玄

豹坐深山桃花源在坳堂下何待淮南桂樹攀

此生自斷不繇天贏得狂歌與醉眠蘇季貧來無
二頃蘆教化去已千年慵叅古佛中邊語高閣蒙
狂內外篇曾上岱宗窺日觀茫茫塵海浩如煙
窈窕聲來暗度蕭高花悠颺帶絲飄盈盈春色三
分減裊裊鶯歌一倍饒松際雲來如雨潤竹間風
起不塵囂超然燕處無餘念疑在深山作老樵
鑄就渾淪沒孔匏儘饒利齒詎能嘲江湖仙權欣
陶峴冰雪詩篇凜孟郊處已惟防仍搏虎逢人那

好畫稱猶加年學易無多力且玩潛龍下九爻
常懷息影在方袍鴻鵠翩翩故自豪雖作齊民修
要術猶能痛飲讀離騷援而止者何妨柳歸去來
兮最愛陶半世微纒尊隸役忽然一笑解天綬
古水依痕不泛波閉門獨笑屢婆娑非關老去交
情減自是新來友態多難與人言惟說鬼尚嫌佛
累况親魔遺形天壤無拘束風雨詩成側弁哦
曾從南客問煎茶畢竟齊僖未到家百事因循已
蒜髮三春爛熳又桃花苦無長策留紅雨拚取深

杯勸紫霞指點劉伶墳上土關情一倍惜年華

蘭客飽菴學坐忘不知堦下已浮芳衣冠老去羞
竒服物色春來發舊光頗怪神寒因命酒極知形
穢故薰香狂生天籟無餘論暮四朝三只兩行
盡人扶持孔方兄君子原來無所爭簪笏蠻蝸判
勝負碁殿劉項決輸贏一官枉費三千牘片石空
邀十五城休去始知都是妄禪心道眼自分明
空堦草色醉蜻蜓杜五郎家戶畫扇至性繇來能
澹遠深居不是愛沉冥布袍草屨人間世妻惠兒

淳物外齡更喜先生功課好閒觀周易淨名經
蠹卷鳴夷丙夜燈自憐投老漸如僧病軀宜蓄三
年艾虛室常懸萬壑冰跌宕差能持斗柄依違不
會摸床稜蕭然鳥雀遊庭際何處人間有鬱丞
蒲萄斷不換涼州醉自成鄉我亦侯何必長繩癡
繫日祇須闕地便埋憂拋書隱几徐于卧秉燭看
花汗漫遊冰炭如山都化盡笑他皮裏貯陽秋
雪刺霜毛苦見侵匆匆孤負一生心維憂用老書
還讀破涕為歡酒自斟暮雨空堂頻數漏秋風遠

道獨聞碁不知何事低回久鎖口無言只似瘖
薄俗人情已飽諳悔將心事泣魚泔小忠線索徒
能詐大黠機鋒又在慙共說萬非千得伍誰知二
與一為三麻姑狡獪真年少此意還尋智者叅
福性生成欠潤恬循墻偃僂厭輕謙何為髮短腸
猶勁不但人嗔自亦嫌行逕可憐淪曠莽規模猶
辛脫蕪纖草堂無客來留醉珍重盤中一味鹽
剝芋織成沽酒衫麥林隱士署新銜芳春別業森
平仲清晝空亭撥阮咸香雨光風通夢寐仁山智

水隔塵凡心休是物皆冲雋世味紛紛辣與鹹
營杜亭成述懷

年來謝客戶常扃特向空園起杜亭闢地誅茅安
簡朴寫真設座表儀刑吾衰還作千秋夢世遠惟
憑一念惺子美五郎俱在此堦前竹栢鬱青青

四愁詩

有序

天寒夜靜雪屋深明展轉不能寐爰為長句
以遣之拈韻得十一尤偶成四首見每首有
一愁字遂名四愁詩歷落嶽崎不中倫慮且

取暢本懷而止別無寄託異乎平子之所謂
四愁

端居遠夢忽成愁三復停雲念舊遊桂樹山中魯
折簡仙人河上亦同舟明明懷抱空天月落落生
涯古水秋說向良朋應駭絕年來白到九分頭
屏營何計慰沉浮妙理相關有酒甌太史裁書稱
馬走畸人垂釣着羊裘蕭條古趣憑誰會淡悶予
懷可自繇賴得區區陶寫在正當愁處不魯愁
悲哉九辯欲何求宋玉年來亦倦秋楚調怨詩呈

主簿齊諧志怪謝諸侯將書抵塞三間屋用酒銷
融萬古愁偶涉荒園看木葉紆青石氣半空浮
漫向庖丁問解牛世情元愛棘端猴藏舟失去惟
山壑浙米炊來雜劍矛求死頗聞高士苦治生實
對富兒羞一編樂府銷長夜顧影頽然唱莫愁

春晚率題

白頭意氣耻稱豪偏喜傍人笑老饕幾處琴尊迎
杖屨一番風雨過櫻桃空憐春杪迷鴻影預想秋
深剥蠓螯年事上身惟有醉貪杯不復讀離騷

偶然有會成七言律詩一首

寂寞琴心海水移懶從昭氏問成虧人庸無趣思
狂士病怪難痊就大醫辟荔初裁乘赤豹茆茨晚
賦贈朱椎非仙非鬼仍非我萬籟無端一任吹

夜坐懷簡翁劉先生兼懷石翁陳先生

相思無夢更難勝踽踽凉凉念友朋兩地暮雲懸
赤牘一天春雪動青燈把詩過日君真好對酒當
歌我最能尤有心知還未面美人家在古西陵

簡翁書到

予書纔去汝書來共是春分一日裁扇上詩篇堪
細諷就中情事更低回論文到老真無益念亂方
新絕可哀滿眼牡丹都謝淨滔滔孟夏又恢台

臘日得簡翁書書中勸余節酒意甚脆藹是
夜即入夢談詩頗暢閒中賦此俟有便寄之
梅花消息動微芬天遠佳人問碧雲千里傳書惟
戒酒三更作夢亦論文蒼茫急景憐駒隙迢遞微
棕託鴈群彼此俱含無盡意臨風不獨我殷勤
江山人能琴能書人又有致別久矣偶然相

訪一宿而行詩以送之

十年懷抱託魚鴻忽漫相逢一笑通老去風流猶
未減別來日課不曾空七絃舉世稱君好八法何
人似爾工有酒盈樽須盡醉明朝馬首又云東
應元肱起部和杜亭韻至再行抵河間復和
見寄余次韻奉答

遠道傳詩夜度扁幽光迴合蕩空亭精神落落看
前輩輕薄紛紛服上刑不着酸鹹非是淡能關痛
痒自然惺空心老手如君少收盡全齊未了青

元肱

沈景倩卜戩甫落進士舉過杜亭留別用韻
賦詩余倚和奉送先是景倩和杜亭韻已八
九首矣

柴關為爾亦難扃載酒相將折柳亭聲氣友生元
自合文章造物不能刑高懷肯下英雄淚道氣偏
從密路惺此去加食無用勸遙山淺水一齊青

陳百史訪杜亭贈詩余次韻

紛紅湛綠遍川原老我端居獨寤言小築茅茨思

閱史新裁桐竹未生孫何人命駕能相訪有客高
情忽到門干木筍厨誠簡畧移時堅坐意彌溫

門人鄭爾木結夏杜亭讀書甚篤間作詩歌
其聲嗚嗚然余覽而悲之脫手賦贈

相伴孤雲寂寞遊辛勤只為讀書憂欲開懷抱觀
今古又苦身家費講求烈士無錢如敗子饑人得
飽即封侯知君俯仰無聊甚怪得詩成字字秋

答汪孺石水部次韻

麗句傳來吹素光徐行把玩屢翔祥深藏美玉渾

忘價久佩幽蘭懶說芳人到真時今亦古語關妙
處畧猶詳鯉魚風起通書問一水盈盈是兩鄉

明月之夕吳于遠莊尚之秦廣平程時行諸
詞人集杜亭清醉忽張中翰懷隆茂材述隆
從甘陵來携兩歌者徑入雜坐不知何者是
客絲竹相綸遂窮五夜坐中歡甚於是尚之
首賦琵琶行以紀其事余才短不能倚和聊
成七言近體一章就正尚之併為于遠諸君
子執爰云爾

琵琶繚繞月明孤爛醉高陽衆酒徒客主忘懷殊
蕩漾風流善價不枝梧歌傳子夜癡偏媚賦就閑
情雅且都從此空亭留古艷花間好鳥問提壺
于遠偕時行再過尊水園留別于遠賦詩余
次韻奉送時秋將盡矣

行行重與唱行行送別難分只似迎昏旦流連談
往事風霜刻露見交情數篇自課還驢背一路相
將是鴈聲君到高堂兒女樂團團燈火夜深明
懷隆昆仲聞于遠時行將別邀至甘陵徵歌

作古歡余遙同餞局再次前韻

青蓮漫賦客中行有酒如山折簡迎豪士扶風元
任俠佳人行雨正閑情尊前柳黛侵離色笛裏梅
花憶落聲老我園居難與會翻嫌詩句太分明

雜律 有引

偶閱古樂府興之所至輒隳括為七言律一

章不倫不理無着無落故命曰雜又搗碎古
辭差排近體何異取山龍華虫裁為祠服窮
袴詎止天吳紫鳳顛倒豎禡已我是則余之

罪也夫是則余之罪也夫

腸中展轉只盤車郭北城南戰死餘泥濁水深歌
獨漉過河啣索泣枯魚瓜田納履防君子道遠沉
綿讀素書卓女白頭吟最毒錢刀銅臭罵相如

余以自用酒盃為水部汪孺石先生壽孺石
以長句見貽情詞俱懋謹次來韻再候興居
知己原從世外盟和平神聽鳥鳴嚶傳來柔翰盈

魚腹夢去高人在水衡久置酒盃如土暗乍經詩
品遂珠瑩長歌既醉思君子相笑何煩此一觥

周彛仲過訪携有韓求仲先生及沈景倩先
輩書各用杜亭原韻惠詩二章因賦鄙句志
感即託彛仲復奏求翁併呈景倩

有客忽傳茗水書綿綿遠道夢魂餘焚香跪讀沉
吟久酌酒歡留會合初學士山中閒鼎鼐美人江
上采芙蓉憑君為我傳心事實欲鈔詩効小胥

次韻奉答陳雪灘太史

一月狂風十丈埃故人千里送青來瑤華芳信循
環讀冰雪真詩次第開感興平吟心久折定中起

舞夢初回更思去歲相逢夜斗酒交揮客主曠

世味叅來苦似霜高人耻以智為囊多君天上紅

綾餅贈我林間白首郎萬頃夏雲邀翰墨太史書品為當

今第一曾聞善書者見夏雲多奇峯輒師之五湖秋水奉肝腸生平豪

想峨眉雪秀色浮空片片緗

贈同年友萬吉人

君是乾坤倚伏身一番挫折愈精神抗言異代憐

同調求友今時得古人緩步高岑詩價定比肩管

樂品流真尋常雞黍深相款對榻蕭然意更親

張爾唯如姬馬令人賢而惠解文字而耐操
作事爾唯二十載闡政甚修今往矣爾唯哭
之慟社中諸子更為爾唯佐悲短詠長歌裝
成巨軸德水老推不避醜拙亦賦一篇次諸
君子之左

菊老風涼鴈影疎張衡慟哭女相如悲來腹內車
輪轉夢去花間酒嘯餘怕按絃桐藏舊譜勉開篋
篋錄遺書多君聲氣聯朋好天問招魂賦滿車人令
深于琴道亦解書

史弱翁納燕姬喜甚自命題曰傾城悅名士
邀朋輩賦詩于是盧子為之首唱

天然真色號傾城才子因緣似弟兄富貴他人元
易合文章夫婿獨含情碧山青桂時時長赤水玄
珠夜夜明有士相依堪共老小樓寫韻罄平生

再歌

擁書萬卷自為城翰墨場中讓老兄何容秋懷同
作夢有人春問獨關情娉婷不嫁文心靜琴瑟于
歸智眼明日暖風柔堪種玉離離遙碧看煙生

次介清韻送楊太史請告還濟上

天然冰雪淨聰明風雨淒迷迥不驚酒盞深斟留
 客醉春光漸老送人行歸裝篋篋群書滿驛路舟
 船一水平暫別玉皇香案去南池閒步草菁菁
 未交余以沉舟之役留滯于桑園社友程正夫賦
 長句見貽情詞柔厚次韻倚和感慨係之
 悔揖青山別舊遊祇今冰雪滯行舟勞人夢短嗟
 遷次知己情深戀去留無計問途空有淚倘能歸
 老又何求新詩讀罷蒼茫久不覺江湖滿地流

有家未敢漫經過躑躅河干泣或歌堪笑青鬢疑
 雪刺可憐白首沉風波憂虞筭去將千種喧寂看
 來只一科近苦病魔纏左足支床聊復飲無何

私問

衰病侵凌乞骸得請賦詩一章名曰私問

關心藥裹問桐君又問床頭幾甕雲小草仍餘蘿
 薜意抽簪漫遣縉紳聞自憐多疾浸成病人嘆微
 勞詎敢勤剛過五旬如望八髮鬢枯盡雪紛紛

正夫見私問小詩次韻見貺捧誦之餘入夜

得句

冰雪相看獨有君一屢如隔萬重雲同聲亦願源
源見真味要須淡淡聞詩好何人堪舉似酒清為
我重殷勤正夫餉我一甕雪乳還題數句酬高雅夜靜風微

月色紛

長日空亭對此君雨雲瀟灑雜晴雲人閒境靜宜

高卧詩穩音清要細聞正夫凡三次韻無不妥盡

洗偷心方大歇能存懶意是真勤回思三十年來

錯老病于今罷世紛

歸來題盡扇齋壁

齋成在癸酉歲題壁在辛巳歲于是九年矣

中間曾一濡足旋即斂裳微尚幸全詩以言

志

卧疾優游養不才林園謝客長莓苔紙窓竹屋惟

書帙陶器單衾雜酒盃扇上諸公身既沒贊中數

語面重開斜川高趣尤堪畫試問當年宗與雷

退士詩次仲來韻

野水寬閑泛緒風自憐微尚許誰同世情濃淡渾

如蠟人事盈虛畧似虹殺馬毀車仍折劍焚魚還

笏竟嵌弓一腔丘壑從今穩老氏耽雌久謝雄
微雨東來挾好風柴桑受用敢遙同願言今日身
成滿羞說當年氣吐虹藹藹書篇勤發篋翹翹車
乘枉招弓秦人只向花源老劉頊從他號兩雄

社中分韻賦得首夏猶清和

花謝泉鳴草正殷裴徊春事未全刪窺園始覺桐
孫碧謀野旋看雉子班剩有好風行地籟可無靈
雨發天慳清和景物彌堪戀自笑麈糟石樣頑

花朝社集次韻

入林何必社名蓮諸子中春啓盛筵千首百篇吟
可老三杯一斗醉能眠幽花似雪香侵几新水如
油客上船偶向閑堦觀物候竹萌迢遞已行鞭
次社集韻呈仲來父子

仲來懷抱淨如蓮筆落驚風動四筵輞水月明摩
詰唱江亭日暖少陵眠久藏好酒開詩社特請同
人汎畫船有子多才深且秀粗豪常笑繞朝鞭

奉寄虞山先生

經國文章截衆流片言隻字足千秋羽陵簡蠹煩

收拾汲家書殘要纂修左馬兩公魂自舉韓歐數
子氣相求眼明手快饒心賞莫向青山歎白頭

賤子平原一鄙儻偶從筆墨識先生東樓問字詩
詳說北固携尊酒細傾天上綸扉真險事山中宰

相亦虛名何如高卧觀今古四海朋來善氣迎
次韻送熊雪堂余方抱病闕為面別情見乎

詞

離離雙袂不能分又值秋來鴈幾群南浦水波仍

戀客東湖花竹正思君豫章東湖乃徐孺子蘇雲
卿隱處雪堂卜築讀書

飛絲酒盡孤帆月儀止餉一詩清酒霜落詩篇

座堂近賦五言古詩可惜同心難會面只揮

老淚付斜曛

偶聞正夫出月北上詩以述懷仍次前韻

相聚無多又欲分寥寥形影自為群眼光暗淡誰
憐我心境空明獨愛君朋輩往還思舊雨交親薄

厚問新雲平生知己關懷抱纔欲歌驪日便曛

久病沾危餘光尚在忽憶往時士大夫門戶

葛藤殃及社稷堪為痛哭因知虛意氣假名

節乃是殺人毒藥而人猶狂醒不已可不謂
天哀乎爰次舊韻漫成一章以俟知者夫此
韻凡三押矣山窮水盡自然難工要正欲呈
茲醜拙以存真色煩正夫寘之行李入都如
見百史先生當出以就正此外不可輕示人
也

鐵門石戶井疆分邊見安能換小群汗漫吾方從
若士聲稱衆自奉任君一尊旨酒陶嘉月幾樹空
花伴幻雲往事難言仍欲說平明太息至殘曛

夢遊仙

有序

夜寐偶有所見似天際真人空中遊戲非煙
非霧意甚羨之因得句云一簇煙籠淡月低
醒而補湊為聯質明檢韻書遂成七言律詩
一首不忘其初命名曰夢遊仙

曾識仙踪路不迷黑甜隨意躡丹梯千層霞繞晴
雲上一簇煙籠淡月低世外佳人呈窈窕塵中老
子待提携覺來渾似花源返自笑從前作醉泥
夢遊仙諛辭也承正夫杜兄雅和珠玉在旁

益覺形穢再此出弄醜態畢露矣

仙山樓閣望中迷欲往還須步月梯次韻無如君
手妙臨文不覺我頭低若論談柄差能擅倘到清
尊更會携武庫縱橫紛在眼封函安得一丸泥

正夫出新作共賞余不禁老癢漫次一首非
禪非道非詩如是而已

莊生無毒亦無門博夜漫漫只大昏業障叢生憑
弄影虛空粉碎不留痕身疲難近王孫竈心動無
關大士旃潦倒一尊遺百慮頭毛久矣自成髡

再和正夫韻添得稍稍風趣可謂愚不安分
老不歇心

病叟婆娑靜閉門梅枝香影動黃昏流連几案攤
書卷檢點衣裳剩酒痕花氏不妨遊月榭崔家自
有禦風旛淋漓跌宕無拘束千載惟推贅婿髡

九日集正夫齋次其韻

比隣好友興悠哉折簡邀登五尺臺萸佩芳香人
自醉花糕鬆軟客爭開迢迢雲影天邊去僚慄風
聲地底來

是日北風驟寒

誰賦新詩含古調幾番尋味有

餘哀

正夫時方悼內

正夫以除夕詩見眡次韻奉教

明晨四十漫云過六袞衰顏賴酒醅

余明年六十矣

有影

燈前聊復舞無腔樽底不成歌嗟余舊業時時減

羨爾新詩日日多欲選一枝安穩卧杜陵得計在

東柯

正夫再和前韻余不敢不勉爰成報章

接得新詩百遍過自然心醉發顏醅如吟元亮歸

來句勝咏薛逢老去歌獻歲情懷翻覺少殘年憂

慮不宜多淳于事業槐安國我欲從之一執柯

正夫招賞牡丹有序

喪亂以來久不知有花事今歲始見牡丹欣

慨交心百端駢集適所賞乃桃紅者與芍藥

相向又有綠牡丹一叢絕勝尚未開故篇中

及之

老懷無奈牡丹何二妙相邀一暫過俯仰幾年都

是哭徘徊茲日始成歌輕緋舒瓣招紅藥淡綠含

苞映碧蘿醪酌花間將丙夜倩人扶着舞僮僮

送張九如還燕

畫省仙郎洛下來，清真瀟灑自天開。
暫煩計部搜精粟，終藉銓曹簡異材。
滿眼煙雲供盪漾，一腔冰雪淨塵埃。
榴花蒲劍添新爽，正好盤桓數舉杯。

先是王敬哉過訪，停杯不御，余自酌十餘觥，船啟，我曰：今日之會不可無詩，請以看盧德水飲酒為題。德水許之，別一日而敬哉詩至，后無何沈無謀、劉羽吉來尋花開酒熟之盟，具道敬哉意已，而陵縣令君王北幹以熊雪

堂之書來，會酒間漫述敬哉詩，指北幹欣欣有同聲相應之意。社友程正夫斐然次韻，余不辭老鄙，亦和一章。

新知舊好共襟期，蓬鬢荒亭某在斯。
渴對朋來聊復喜，飽經世變不堪悲。
縱橫顛倒書千卷，磊砢昏酣酒一卮。
寄語知音能信否，此心安處是閒時。

北幹許春日過訪，正夫賦詩，再次前韻，余亦

如之

悠悠君子亦難期，明府風流自取斯。
初見似曾何

處識快談不省若為悲高岑緩步推詩範秘阮高
蹤託酒卮豫約來年良讌會還移仙履趣花時

讀陶謝集有述

從來陶謝有遺編今日重開意爽然山澤形神歸

栗里

陶詩云山澤久見招又有形影神詩

天雲懷抱屬臨川

謝詩云高情屬

天雲又云懷抱觀古今

兩人精蘊憑誰繹六代浮華賴此鐫

亘古詩豪惟杜甫猶將老手讓前賢

杜詩云焉得詩如陶謝手

今渠述作身自遊

過金穎濱古香齋題贈

才情品韻世無雙詩以囊盛酒貯缸有客如雲來
滿座其人似王次空窓幽香靜發誰能味古調清
吟自得腔老我醉民殊崛強相過不覺寸心降

奉贈趙洞門

冰心鐵骨照寰區救世匡時是丈夫一疏當年爭
造化片帆此日適江湖尊壘酬酢徵瀟酒函丈趣
陪得範模賸有丹誠能悟主賜環多只在中途

小詩奉投趙洞門賡次原韻用志仰止

七載歸田芋一區著書焉敢似潛夫申蟠芒碭樹

為屋元結讓谿杯號湖久向雲山行我法新逢天
水識人模多公下榻收管蒯願拜門墻問道途

贈太守楊君敬

東方千騎擅齊州循卓新推第一流高義古今難
與輩盛名遠邇莫能儔彈琴官舍惟調鶴賣劍民
間盡買牛指日台鉉瞻具美煌煌卿月映天球

秋日偶成長句

落得蕭閑樗散身雨晴昏旦盡成春翺翔丘壑徐
無鬼窈窕山阿若有人藹藹日華籠寶玉寥寥夜

氣識金銀劉伶酒勸陶潛醉知己相逢分外親
解下癡縲任此心今歌古調一長吟煙方散矣雲
方聚山自高兮水自深極喜嗣宗能把盞更欣叔
夜會彈琴終朝勞擾成何事片刻清閑抵萬金

秋日朱計部招飲次正夫韻

老矣狂夫倒著冠過逢酒坐罄交歡主人高韻如
珂雪我友新詩似鏡瀾收扇聯裾辭執熱啣杯揮
塵愛輕寒年來俗務牽心甚檢點方知此會難

尊水園集畧卷之三
五言排律
上侯老師
題貞烈于氏
七言排律
哭李泰雲老叔

尊水園集畧卷之四目錄

德州盧世澹德水著 受教程先貞正夫輯

陳鍾英幼仲

趙其星仲啓

五言排律

上侯老師

題貞烈于氏

七言排律

哭李泰雲老叔

寄上劉年伯 云云

七夕有會而作

五言絕句

雨中看山雲

醉翁亭

瑯琊寺

廢子泉

止酒

留贈南都諸友

疊韻 二首

疊韻 二首

嗣玄 二首

疊韻 二首

疊韻 二首

湯臣 四首

經夫 二首

千里 四首

贈許遠賓 六首

讀蘇韓二集偶成一絕

仲來舟中見張華東云云十首

七言絕句

追贈宋鵞池布衣六首

讀四溟旅人集二首

往返忻代云云三首

鹿泉感往二首

古怨四首

與毛經夫閒談

送馬遠之社兄北上二首

送馬選卿還長水二首

送叔父謁選二首

胡嗣玄舉古墨數笏云云

送表弟紀連如鄉試二首

秋盡過磨盤山云云

儼滿入都道云云四首

春老憶別

贈戴德明

贈吳六吉

贈吳郎

留別長干主僧孚一

雨花小僧

云

送宋外臣葵

四首

壬戌下第棲遲都門

云

云

蘭答問

記得

清夜讀韓子志感

傲杜為六絕句

六首

讀書偶有所窺快甚當下呈幼輿

偶在一處看牡丹竟日

客有寫梅花

云

送毛經夫還山

用前韻

再用前韻送吳六吉

賦得將船買酒白雲邊

有序二首

張明席自海上

云二首

送陳寶菴使東粵

二首

淵明述酒云

漫興二首

承黃東厓云

先是畫扇齋云

祈寒之朝云

送張老還雲間有序

夕旦偶吟十首

疇昔之夜云

讀正夫南遊草賦贈六首

正夫家藏思陵石墨云

次我聞大士中秋題杜亭韻

再和我聞元韻

杜亭中秋我聞高唱云

九月二日南村老人云六首

偶賦六絕云

不見牡丹久矣云

寄懷徐元歎三首

酒坐聞箏二首

尊水園集卷之四
贈馬德襄 二首

留別平原親友 四首

尊水園集畧卷之四

五言排律

上侯老師

當代侯夫子周南太史公承家居大業憂國蘊深
衷青鬢風生座丹心日麗空披襟遊浩蕩脫屣出
樊籠結束期登岱安排好住嵩蕭齋含古雪綺榭
散晴虹篋底詩千首山河桂一叢臨池驚鬼哭揆
藻敵神工大雅追前輩精微啓後蒙河干迎綵鷁
天際送冥鴻愧我悠悠者欣叨濟濟中門牆容負

莫小園集卷四
笈音驛望裁筒得已方為貴尊師豈畏窮相思恒
湛湛遠道託江楓

題貞烈于氏

卓絕高家婦乾坤至性鍾甘心殉厚夜冽氣逼深
冬同穴誠為快投繯不是凶人皆悲激楚吾獨羨
從容頸帛孤星纏腰麻朗月縫綱常因爾奠女史
記功崇

七言排律

哭李泰雲老叔

生死論交有歲年今朝揮淚問蒼天悲涼吾黨思
前事錯莫人倫失古賢泰岱雲收餘賦草小山桂
老罷詩篇清真寡欲如元澹博雅多才似鄭虔行
業推尊高士里聲稱藉甚孝廉船飄蕭白髮青衫
映窈窕玄心綠字詮十上公車神却玉重磨老劍
氣彌鮮正期結撰藏名岳何遽乘箕逐逝川繫我
孤踪常冷落先生折節獨周旋會文探討偏尋險
放酒頽唐恰愛顛行輩不拘時爾汝襟懷相賞共
餐眠看花直就花茵坐喜雨頻將雨具寧側理隄

糜將一萬洪酣小醉約三千而今而後誰同趣馬
策西州只惘然

寄上劉年伯時文石兄有權關之命迎養潯
陽

山川自昔記宜都浩氣鍾為君子儒漢上社開推
祭酒郢中書就號潛夫休心正賴名緣淺樂志偏
探道味腴慷慨高雲飛雪巖清真朗月貯冰壺當
窓攬結三湘秀發篋披陳五岳圖經術向來摧鹿
角衣冠此日秉魚鬚大人利見丘園賁令器前驅

杖屨娛画舫錦帆溢浦去爐峰煙潤侑醞醢

七夕有會而作連日雨

靈匹從來未易論同心今夕一開罇河橋雨濕經
年夢閣榭雲涼累日奔怡喜相逢方動魄偏愁送
別又銷魂坐中有客吹蘭芷此外何人擅蕙蓀香
散綺窓添晚靄光含羅袂代朝暾細條瓊綫穿針
孔淨洗冰壺貯淚痕標格入微常穆穆氤氲無象
只昏昏良宵佳會堪題句錦瑟吟成體似崑

五言絕句

雨中看山雲

白雲雨際生
靉靄沿山泊
山意欲留雲
煙嵐相酬酢

醉翁亭

昔僧曰智僊
小築延山翠
六一為安名
至今猶香醉

瑯琊寺

虛谷盤微逕
林端出殿廊
森沈多暝色
山氣動衣裳

庶子泉

山開自晉帝
疏淪在唐年
古意生來好
裴徊庶子泉

止酒

高人復喜酒
首舉陶夫子
彼亦有成言
今朝真止矣

留贈南都諸友

執手野踟躕
昔人此語苦
襤被別良朋
朔風動江浦

疊韻

新詩仔細看誰會君甘苦王維集輞川李白歌秋

浦

讀君制舉文一讀再三想王錢吾師乎許爾嗣其

響

疊韻

貞人不受憐志士多遐想反舌久無聲中林來悅

響

贈我以排律微言幾半千洞開群玉府筆墨浩如

煙

嗣玄

雨雪工留客臨岐緒萬千試看江上棹處處離

煙

天下有心人語言不浪吐脉脉視刀環淺深憫肺

腑

涼雨積如山玄雲莽不色藉斯緩客程惆悵情何

極

疊韻

錦文織九州卷舒雲五色筆端湧若耶河漢渺無極

古云德不孤若形之與影資君為範模能暇又能整

湯臣

遊子理衣裳上有浮雲影欲別別更難意思散不整

秉燭屢成遊不須煩折簡披襟脫屣時相視青雙眼

不遊遊俠場不喜作吳語南北共東西孤雲為伴侶

鬚眉光可鑒戰勝果然肥相逢一盡醉銷盡無窮機

經夫

浩浩紅塵裏天山遯正肥無端抱甕犬破口說忘機

密晤晴兼雨閒談暮接朝朝朝還暮暮寒影逗征輶

千里

一接鄭居士令人生遠心欲知玄會處明月照深

林

秋水淨襟期清空不盪醬神力出維摩煙雲為供

養

宛爾豐年玉還如面上眉數甌香雪茗一帙詠懷

詩

谷口有子真天都有千里姓同道復同冷然銷吝

鄙

贈許遠賓

聞道箕山客沉冥不事堯朋來成一醉把玩舊時

瓢

多材多藝身寄頓在林水御辨而乘遊庚桑熟畏

疊

鴛鴦爭繡看金針那可度布袍四十年泛泛在行

路

清標含至性君是古時人認得天倫厚方能樂賤

貧

煙霞十指生技也志於道富貴如浮雲丹青不知老

武仲耽山褐能從叔度遊適同不佞飲一夕足千秋

讀蘇韓二集偶成一絕

昌黎祭田橫東坡誌朱亥兩公一片心遙遙寄千載

仲來舟中見張華東太老師十絕句以杜詩落日放船好風輕生浪遲為韻亦如韻賦之

併呈仲來

衝暑理歸舟既登旋欲泊安得嫩涼生或云待日落

舟途無外事朝暮僧為匹洗眼讀南華一篇支一

京師塵汚人今日始銷放開窓領遠風月出來漁

唱

清波足蕩漾况是可人船船為吾友仲來讀擊檝

平生意仲來刻有擊檝篇乘槎直上天仲來自願舫日浮

行路暑尤難臨流暑亦好
虛舟萬斛涼宜晚兼宜
早

歡笑秋云立

是日立秋

從今美好風白鷗多靜意相對

信天翁

自撰輕舟好何須津吏迎
圖書三篋滿卧起一身

輕

禾黍可憐色時思急兩傾
榜人急擁棹共指暮雲

生

南訛秋尚稚水澁不成浪
無計避煩蒸盈盈候月

上

家鄉行在望道路敢嫌遲
所惜同舟子挽牽亦已

疲

七言絕句

追贈宋鵞池布衣

湖海元龍舊釣磯生來性格不輕肥
詞場間氣斯人在愛爾中山老布衣

天馬縱橫脫絡機高高黃鵠貼雲飛
雄心只是難磨耗儒俠禪玄不定歸

榜伽繫肘醉中看綠玉紅藤紫籜冠萬壑清冰千尺雪食魚久已笑馮驩

真懷汗漫與天遊杖屨迢迢半九州到處生涯惟爛醉琵琶錦瑟間箜篌

老氣昂藏未易平獨持罇酒吊田橫翁有句云還餘一罇酒東

海吊四周板內嫵拘束翁未蹈海時即向人曰大我決不做四周板中人

海為棺太曼生

細讀遺編意味醅道微大雅竟誰陳三年一葉心良苦高處全疑是古人

讀四溟旅人集

謝客名榛字茂秦不衫不履不冠巾李王呼作眇君子歷落嵌嵒可笑人

生死研成詩數章顏然不減牧皮狂解言老破當

年夢謝有句云老破當年夢秋生久客心燕市王門總戲場

往返忻代間偶驛亭小憇即循墻遠壁覓見

泉先生詩讀之詩品雅潔居然唐音夫誦其

詩不知其人可乎是以論其世也

每於郵壁見題名風雅原從熱血生墨氣稜稜光

不散一番拂拭眼偏明
當年大力破因仍三晉陶為一片冰東吏如繩心
似水憂民惟有魏中丞
循墻古道照人顏詩史高懸未易刪句裏行間香
自發流風百世可廉頑

鹿泉感往

土門隘口畫冥冥一髮孤懸入井陘聞說淮陰後
此進至今祠字篆煙青
餘耳初年刎頸親凶終即是舊張陳莫言時輩交

情短薄倖原來是古人

古愁

玉瘦釵寒怯鬢霜追思十五嫁王昌前溪子夜供
歌舞矜寵盈盈入畫堂

閒來遠屋只徬徨鶉鴉呻吟草不芳自厭為人心
太淺羞將兩意怨檀郎

強自開懷莫斷腸無端太息又神傷芙蓉黯淡江
臯老斜日空堦數鴈行

海燕巢迷舊日堂歌殘白紵罷薰香遠天明月深

深照風動羅幃分外涼

與毛經夫閒談

九州之外又名州萬里風生十二樓索隱探竒須
到此黃河一線貼天流

送馬遠之社兄北上

十年磨劒雪霜封牛斗時時紫氣衝脫匣相看光
若水倚天飛海戲神龍
草綠河渾鳥亂飛盈盈画舸載清暉臨分無物堪
持贈祇候心空及第歸

送馬遊卿還長水

冥冥花樹攪離思正是清明左近時馬上春衫輕
軟甚征途迢遞好題詩

黃鵠翩然天際翔無多行李不塵囂贈君一片平
原月携去當湖醉淥濤

送叔父謁選

落落才名五十年娥眉老盡不成妍子平尚有人
間事聊寄微官當硯田

悠然客路入高空鴈影雲痕木葉中燕市到時秋

已凜一罇清醪與誰同

胡嗣玄舉古墨數笏見贈侑之以詩自云此
墨藏諸囊中幾三十年依韻報謝

大海纔分蠶潘餘玄光常護子雲居知君匡坐摩
挲處讀盡三墳八索書

送表弟紀連如鄉試

篋內陰符練墨兵揣摩已就任縱橫濟南百石蓮
花釀盡取秋高醉鹿鳴

明湖古淡足開襟泉上車輪湧晝陰青錦芙蓉華

不注統期榜後一相尋

秋盡過磨盤山至大柳驛早飯偶雨一陣

磨盤山上度輕輿曲折周旋一眺虛行盡荒岡來
古驛晨光小雨似春初

假滿入都道出新泰晤湯惟一明府一見如
故因請其西山別草讀之喟然嘆曰有如此
才竟欠一第乎即不朽者自在而遇則畜矣
欣賞之餘繼以感慨既定文章之有品又嗟
文章之無權乃作歌以遺惟一併頌惟一相

知契者覽焉

詳觀剛草沉吟久莽莽荒途某在斯始信文章千古事擊壺高唱少陵詩
梳洗傾城服太奇獨標真色鬪娥眉中懷隱約何人會翠袖天寒倚竹時
數墨尋行儘足嬉倚天拔地欲何為芙蓉匣閱吳鴻老試問風胡可是誰
冷冷山水出朱絲苦調希聲易見疑莫訝琴心灰懶甚黃金何處鑄鍾期

春老憶別

多謝深深幾樹霞春餘好在護孤花難忘七聖堂前路車馬參差日影斜

贈戴德明

精神全副大於身負笈從師意獨真趙至昔隨嵇叔夜原來世不乏奇人

贈吳六吉

西江草色憶王孫生得風標比玉溫靜對令人浮氣盡怪君年少似耆尊

贈吳郎

吳郎天縱光岩穴絕技入神祇自悅一醉一石零
五斗不阡不陌真奇絕

留別長干主僧孚一

長干人地足風流愛爾能詩似惠休別後暮雲千
里合相思常遠石城頭

雨花小僧無從徒步送余至江浦口號與別
併寄長干諸友

依人飛鳥動人憐江上煙波日暮天回首金陵知

已在離懷因爾又綿綿

送宋外臣葬

淒斷山陽笛裏秋今朝埋玉更成愁文人無後真
死矣手藁縱橫若箇收

古意遙思迷迭香祇今誰似宋家在公榮玄度俱
堪念對酒臨風不盡傷

這番老淚又酸辛公子當年是可人白布纏棺蒿
里曲行看塚上起秋塵

同社荒涼異往時空齋獨寫哭君詩夜臺平子如

相見

社長夏平子先生先
教年卒與余尤善

為我傳聲一問之

壬戌下第棲遲都門寓城外一委巷中銷聲
抱影不與一人相聞獨望峯老僧數來慰藉
偶寫一詩與之大抵皆蕭騷語及余還日特
過歸義寺與老人作別老人已先之蘆溝候
送矣停車握手而前詩出諸袖中余再一披
尋始覺其出韻因口占一絕用表望峯古德
且以自笑不知而作之也

耐久窮交屬老師直從世外訂相思蘆溝道上殷

勤別呈我牢愁出韻詩

蘭答問

靜坐微聞蘭太息肅然起立密詢渠答云薄命偏
當戶歛氣收香一任鋤

記得

幽幽暮雨咽秦箏記得當年此夜聲一自與郎燈
下別至今淚眼不曾晴

清夜讀韓子志感

生來孤冷世情稀曾向陰符問殺機自怪此心終

不欺白頭燈下讀韓非

倣杜為六絕句

弇州歷下文章好別出臨川燈一枝猶有人焉徐
渭在逼真史漢又工詩

苦愛虞山錢受之兩場墨義冠當時間觀古作尤
冲雅安得執鞭一問奇

雲杜文宗李本寧大官厨内五侯鯖平鋪直叙能
條貫傳記題辭墓誌銘

乾辣尖酸鍾伯敬依稀出土鳳凰釵其人既往書

行世我所耽今在史懷

洛水詩人白礪甫吟成山鬼哭秋墳一生任性真

窮死此語得之我友云

劉簡齋先生曾向我稱說礪甫如是如是

遐想高人潘雪松天然清水出芙蓉幾回細把遺
編讀雪氣松心夏亦冬

讀書偶有所窺快甚當下呈幼輿

常恨古人不見我我今開卷見其人心髓挾來憑
眼力相看彼此俱精神

偶在一處看牡丹竟日

疑香濃豔割明霞一見徘徊至日斜
暝色含煙尤戀客沉香亭子是誰家

客有寫梅花為范質公先生壽者敬附鄙句
就正

鐵骨冰心對玉壺踈踈影子月明孤
瀾園雪後通春問一幅先生行樂圖

送毛經夫還山

用前韻

高士歸與隱一壺蕭蕭鶴影共雲孤
囊空如水還長嘯自寶真形五岳圖

再用前韻送吳六吉

時六吉將卜居秦淮

萬壑清冰捧玉壺對君如月令人孤
秣陵到日剛逢臘曲曲秦淮展畫圖

賦得將船買酒白雲邊

門人謝生白因余酒盡特乘一艇子往清源
尋購老醞隨行止一僕夫隨身一冊一硯而
已余極愛其溪壑清迥有塵外之意因賦得
將船買酒白雲邊屬其尚友古人云

買舟問水水盈盈帆影牽雲自在行
偏是高人多

逸趣旁求雪乳壽先生
濁醪妙理賦堪題此公朋來有醉泥至少也須沽
十甕深深貯我杜亭西

張明席自海上以家機山繭紬見貽賦此稱
謝併志近况

山容妝身號繭翁喜君衣信趣微同一千里外三
年約多少情懷舊雨中
疵_也何堪擬醉翁蒼顏白髮畧相同狂歌側弁披
山繭潦倒春隨杖屨中

送陳實菴使東粵

誰將素魄濯冰壺濟北閩南德不孤一帙新詩三
百首從來俗氣到君無

相如擁傳出燕京留得文章觸眼明此去緇囊多
古色羅浮山亘五羊城

淵明述酒云舊注儀狄造酒杜康潤色之余
愛潤色二字下得妙因衍為兩句又牽連陶
劉李三君子遂成半律

天生儀老為神物杜氏從而潤色之千載風流歸

五柳劉伶李白是吾師

漫興

涼州一斗古葡萄恰配迎霜兩巨螯暮景生涯惟
此是誰能辛苦讀離騷

韶濩雲山破寂寥醉看花影暝聞簫神仙只在人
間世一笑重逢郭四朝

承黃東厓先生為余作傳謹題四句

讀公文字似參禪筆氣飄飄又欲仙愧我酒徒當
不起顏唐依舊枕書眠

重改畫扇齋

向背乘除以意裁半間小屋喜重開此番妥帖無
遺恨卒歲優游賦二哉

先是畫扇齋止有北戶與東窓雖暑氣不侵
尚屬悶局偶騁足茶餘徘徊良久曰得之矣
遂于南壁外拓數尺地洗其積土樹以短垣
為待月受風之所乃塞舊窓開新戶南北相
通深靚虛明即一間屋而有數間之勢洒然
如煩疴去體老人樂焉因次前韻再賦一章

身在何妨件件畢平生布襪與青鞋稍煩泥水乘
除役明月清風又一齋

祈寒之朝蒙魯詹二哥以羊羔酒見贖一飲
到臍頽然自得遂成口號用荅來美併寄老
懷

酒到羊羔分外親扶衰煖老及清晨空心無限休
休意多謝良朋餉好春

自笑頽唐老病身梅花紙帳卧山民淺斟低唱關
何事獨酌寬杯正快人

送張老還雲間

張老號承山松江人也年近七旬髮鬚皓白

面目英偉一日執榼承飲過余旅舍對酌五

十大杯始微醺而議論明徹可聽自言少時

喜冶遊幾蕩厥產性復好武在行間數載功

漏不叙遂棄而為渺莽之遊酒中脫衣示余

刀痕箭疤歷歷也居京師幾二十年高門懸

簿一切不入時出橐中餘金市雜貨營什一

自給少饒則呼酒伴盡興歌呼如是而已終

集水園集畧 卷四
不一詣貴人門也承山與余初見如舊相識
杯合氣熱脫手謂余曰我不能再見公公亦
不必報我即此告別明日行矣余灑然異之
即席賦七言絕句詩相送承山大笑袖之而
去時壬戌歲也屈指到今計承山年已逾九
十雲間老仙未知在否余亦宣髮素領耳四
年即六十人世不堪把玩若此因錄舊作以
志俯仰領承山來會者為故人唐西亭西亭
始蘇人酒徒也即于壬戌年棄世其風神猶

約畧可想云癸未臘月南村補序
高情俠氣老難降酒趣空融更少雙張翰思歸留
不住徑從潞水下松江

夕旦偶吟

乙丙之交除夕元旦意興頗屬偶一涉筆得
口號十首不阡不陌似詩非詩人苦不自知
以小根下士作超佛越祖之談將為有識者
笑至齒冷然既言所欲言亦不暇顧矣時年
五十有九

亘古何嘗有酒人濁賢清聖一堆塵終須神禹能
知味得髓離形妙在嗔

不勞擬議已圓成大塊文章潑眼明數墨尋行剛
與畫伏羲元是鈍書生

郭隗當年用意純甘充死馬自呈身招賢謀國誰
能會叔季重逢古大臣

雕章繪句費精神累子曾無半字真坎下大風衝
口出始知劉項是詞人

白頭吟藁迴環讀山雪排空月出雲簡紙錢刀重

意氣女中誰似卓文君

且晝枯亡夜夢煎片時無夢即悠然從今揀取逍

遙夢一夜便應抵一年年來惡夢紛紜其苦更倍于晝獨除夕一夜無夢休

如也遂欲從此遠離夢想然其境甚難擬選好夢若干分夜做之庶几有夢而無夢乎夜氣既清晝復如是古人謂日午三更非日能之願學焉罪過罪過

小窻忽動一稜青雪氣森森默度扃開戶已成三

尺白雞鳴寂歷正堪聽徹夜大雪十年來所未有

老蘧千載剝音微寡過功夫妙入微嗟我粗頑醫

不得平平五十九年非

忿慙如山鐵裹圍誰能懲窒洗天機忽然透得真
消息大火元來是水妃

弄丸舞劍亦能天枯管生花詎偶然丹竈不須談
火候文心空處是真仙

疇昔之夜臨邑邢子愿先生入夢周旋良久
談讌甚洽酒中出古畫古墨相欣賞臨分拜
別先生執手向余曰寒食相會覺而歷歷分
明儼然未散因思先生修文地下久矣或者
夜臺寂寞欲得一同鄉同調之人開懷談藝

乎何謬及于小子小子羞澁特甚抑又求之
不得乃逡巡未果詩以記之

犁丘老子久升仙夢裏從遊在眼前寒食清明都
過了不知赴約在何年

讀正夫南遊草賦贈

才氣縱橫易涉囂誰從柔淡發清謠蟻封曲處工
盤馬猿臂當場慣射鵬

平原雪乳勝葡萄有客尋君把蟹螯且度醉鄉間
日月任他雙鬢自蕭騷

虞姬墳墓草痕消更向淮陰覓舊橋祠號露筋留
烈氣古魂一一待君招

豐樂亭中賦興高玻璃泉上正揮毫好山好水經
行遍果爾詩成得繡袍

煙月維揚久寂寥玉人天遠罷吹簫知君不肯留
佳句怕說隋唐及六朝

一秋晴雨伴征輶到處名流折簡招即以詩爲遊
覽志病夫得此慰無聊

正夫家藏思陵石墨錢牧齋先生題詩其上

余次韻奉和

石墨鐫華蘊寶香虞山短詠動寒光可憐雲漢成
煙霧淒斷銀鈎四十行

次我聞大士中秋題杜亭韻

離離秋色到疎桐屋老堦荒月正中一自真人題
句後長留墨氣度仙風

再和我聞元韻

青蓮秋色老梧桐千古文章五字中獨有河東能
續古豪端蘭雪灑清風

杜亭中秋我聞高唱魯翁正夫賡和至再余
青藜主人也不敢不勉

采藥真君舊姓桐相携仙伴到亭中比隣詩客知
消息數幅魚牋送惠風

九月二日南村老人為其元配謝安人經營
葬地往返百里雜有所觸賦絕句六首

次唐人韻

穉麥青青覆九河不聞漁唱但樵歌新墳舊岸悲
人代衰草連雲分外多

此地有數河迴繞其來久遠無水而潤植麥最嘉土

人謂為九龍窩非禹貢之九河也

金堂人遠隔秋河海燕雙棲不忍歌無待寒砧相
儻送蕭蕭木葉自然多

白鴈迎霜渡曉河誰憐老去怯商歌一杯濁酒揮
清淚只為人亡歲月多

先荆沒十五年矣

傷懷真欲淚成河聊復擊壺唱短歌最是柳州無
費語區區誌草不爭多

余作安人墓誌虞山牧翁謂簡古直逼子厚覺李北

地誌左宜人為煩

憑高凝睇出重河雲水相參帶擢歌風景似隨流
水變涼煙迥比向來多

是日上百尺樓者二扶掖登頓極目騁望

風日無端並過河從來損性是悲歌忽然破涕掀
髯笑戶大何辭酒債多

偶賦六絕正夫以兩絕相贈又賦一絕以報
之

鴈迷寒霧下空河誰識微吟是挽歌賴有高才程
伯子古人八斗未為多

不見牡丹久矣正夫忽以一朶相贈駘蕩曹
盈幾于姚魏喜而賦此

三年不見牡丹花何處飛來一片霞夜染朝酣真

足樂多承我友折瑤華

寄懷徐元歎

江南才子許誰倫老去徐卿日益貧詩卷酒杯陶
寫外關情恒在楚中人

鍾表兄弟

循陔奉母樂天倫勁骨從來不畏貧萬壑清冰三
逕草南州孺子是斯人

共言衛尉齊奴富幾道諸生原憲貧鄧尉山中高
隱客謚簫堂裏著書人

酒坐聞箏

五岳塞胸未易平一杯空水失崢嶸白頭爛醉無
餘想漫向尊前聽艷箏
老懷分付與鳴箏簇錦攢花另是聲第一莫嫌繁
及慢美人手語最關情

贈馬德衷

清才奧學出群英百務玲瓏指掌明湖海幾迴搜
俊異誰知吾郡有君平

博貫天人道術成妙年夙慧魯諸生易林千載推
焦氏今日玄關屬馬卿

留別平原親友

為愛平原酒一卮消磨日月遂多時即今欲向家
園去眷眷翻難別故知

解帶披襟更不疑冰壺朗月訂心期鴻泥爪跡誠
虛幻聊復臨風一認之

到處逢迎自亦疑頽然樗散有何竒元來却愛南
村笨混沌蛾眉分外宜

客舍蒼茫又一時行行且止重相思當年蘇李曾
惆悵留得河梁錄別詩

Blank columns for text within the right-hand page's frame.



